

vom Horizont erhaben ist / so lege auff dem Instrument die Regel auff denselben grad / es sey zur rechten oder Linken ist alles gleich / Als dann hebe das Instrument mit der Handhebe / das ist ein schnürlein so oben durch das Instrument im 90. grad / in der Linien/bey dem c. durch gemacht sol werden / mit demselben halte es empor vor das Auge / also das es Perpendiculariter henger / stell den Kuffen gegen Mitternacht / vnd das Angesicht gegen Mittag / vnd sihe also nach den zweyen Gesichtlein der Regel auff die Mittags Lini / so wirstu denselben beschriebenen Stern vor dir haben / Nachmals nim das ganze Bild des Kupfferstichs / vnd halte den Polum des Bildes vber sich gegen dem rechten Polo am Himmel / vnd denselben Stern im Bilde / gegen der Rechten Mittags Lini / so wirstu das ganze Bild der Sternen am Himmel finden vnd vor dir haben / wie es im Kupfferstich figuriret ist / Also kanstu durchs Jahr alle Bilder vnd Sternen des Himmels erlernen.

Zum Exempel.

Ech wolte gerne wissen am 3. Tag Februarii vmb Seiger 7. nach vntergang der Sonnen / was vor ein Bilde vnd Stern des Himmels in der Mittags Lini were / So nim den Sonnen grad derselben zeit / das ist der 14. grad Aquarij vnd handele darmit / wie im 3. Capitel vermelt / so wirstu haben den 3. grad Geminorum in der Mittags Lini / so sihe in die Taffel der 12. Zeichen Zodiaci im 2. Capitel / da wirstu finden / im 3. grad Geminorum das Bild vnd Stern / So man Oculum Tauri nennet / Nun seind in den Geminis 5. grosse Stern / das man nicht weis / welcher Stern der Oculus Tauri ist / so nim nun das Instrument / vnd lege die Regel auff 55. grad / welche in der Taffel Signorum zur Rechten Hand / in der Columna der Erhöhung des Sterns